

Monumentenbureau:

Sero Colorado 244 conoci como 'Seroe Colorado community church' indica como monumento proteha



Paden di e Community Church. Entre añanan 1950 – 1960. (Fuente: Fotocollectie Victor D. Lopez, voormalige Lago medewerker)

ORANJESTAD – Conforme e ordenanza di Monumento, AB 1991 no GT 46, artículo 4, Minister di Cultura, ta indica por medio di un decreto pa un edificio bira un monumento proteha. Monumentenbureau ta e instancia di gobierno encarga pa ehecuta e proceso di proteccion.

Despues di a ricibi e aprobacion di Minister di Cultura a scucha Monumentenraad. Directora di Monumentenbureau, Sra. ing Yvonne Webb-Kock tin e mandato di e Minister di Cultura pa e.o. efectua den su nomber e proteccion. Monumentenbureau ta e instancia gubernamental encarga cu e ordenanza di Monumento, ta encarga cu tur asuntonan general di monumento, ta prepara y diseña y traha e descripcion pa destaho pa restauracion di monumento, ta supervisa y maneha restauracionnan, ta controla y duna permiso di monumento, ta encarga cu tur asuntonan tecnico di monumento, duna informacion y educa y ta e instituto di conocimiento di monumento di Aruba. E departamento gubernamental aki ta departamento cu e expertonan di monumento di Aruba.

Monumentenbureau a prepara e decretonan ministe-

rial pa edificio Sero Colorado 244 wordo indica como monumento proteha. E decreto ta wordo manda cu un carta oficial pa e doño(nan), usuario y pa e hypotheekkantoor di DLV y un notificacion lo wordo publica den e Landscourant di Aruba. Despues di seis siman di a sali den e Landscourant e lo por wordo inscribi den e Registro di Monumento. Den e caso aki Land Aruba ta doño di e propiedad aki y congregacion Protestant di Aruba ta e usuario.

Pa por a prepara Sero Colorado 244 su descripcion pa indicacion pa monumento proteha mester studia e edificio bon. Un preparacion asina ta tuma varios lunanan pa investiga, prepara y documenta pa un edificio monumental ta describi por completo. Asina ta describi exactamente cada facada y ta pone enfasis riba cada elemento monumental, material, etc.

Alabes ta studia potretnan bieu, cu ta hopi dificil pa haya, indicando e elementonan pa den futuro considera tambe pa trece bek. Ta menciona tambe e elementonan cu no tin balar y tambe elementonan cu mester wordo cambia. Srta. Ichmarah Kock pa su periodo di stage a prepara e descripcion aki pa Monumentenbureau. E descripcion aki ta uno hopi



Community Church rond añanan 50 di e siglo 20. E tereno y e hardin no ta midi ainda. (Fuente: Fotocollectie Steve Fremgen, voormalige Lago medewerker)

amplio haci.

Sero Colorado 244 ta conoci den nos comunidad como 'Seroe Colorado community church'. E iglesia ta diseña pa e arkitecto Norman Shirley y a wordo construi na 1939 bou encargo di e refinaria petrolero 'Lago'. E murayanan ta traha di palo y cera cu cement. Su balar ta hopi halto pa Aruba. E ta unico pa su balar arkitectonico den estilo Anglo-Americano, uzo di material, ta forma parti di un bario di fabrica, ta forma parti di un complejo, etc. Sero Colorado 244 ta un complejo consistiendo di un iglesia,

un cushina, un espacio di encuentro, un plasa y un hardin hopi grandi.

Lamentablemente no tur tereno ta midi ainda pa proteha full e complejo. Peticion ta cerca e Ministro di Infraestructura pa e tereno di e sala di encuentro y e hardin lo wordo midi pa complementa e proteccion. Pero awo e mas importante cu ta e iglesia y e cushina y plasa a wordo indica awo como monumento proteha.

E edificio monumental ta cay den categoria A y ta e categoria mas halto cu tin pa edificionan monumentales. E crite-

ria di seleccion pa indicacion pa bira un monumento protegi na Aruba den categoria A of categoria B ta stipula den un di capitulonan cu ta forma parti di e 'Monumentenhandboek Aruba'. E 'Monumentenhandboek Aruba' ta stipula tur e reglanan con tin cu anda cu monumento.

E 'Monumentenhandboek Aruba' version di 10 juni 2016 a wordo aproba pa ex Minister di Cultura, Sr. Otmar Oduber riba 8 di september 2016. Sero Colorado 244 lo bira e di 36 edificio pa wordo registra riba e lista di monumento proteha.